

ultimum modum abusivè ad causam testati referendum existimet *Forster. lib. 1. c. 9.* quod nil obstat cur largiri nolimus, cum absurdum non sit, alio atque alio respectu de eodem diversa enunciari.

XVIII.

Insuper hic distinguimus I. inter Intestatum & Intestabilem. II. Inter intestatum esse, & pro intestato habendum, quod de furioso, impubere &c. *int. i. ff. de suis & legit. hered. enunciatum est.* Priorem distinct. suppeditat *Bartol. ad d. l. i. n. i.* ubi ait, prius actus privationem dicit, posterius potentiaz. Posterior *Baldi est Inst. de her. que ab intest. def. in pr.* ubi in simili differre dicit *civem esse, & procive habereri.*

XIX.

Quando itaque jam constat Intestatum aliquem decesse, tum secundo loco investigandum, cuinam hereditas debeat. Ubi omnium primo LIBERTI ab INGENUIS, secernendi sunt; in eorum enim successione peculiaria quædam inveniuntur repetenda ex tit. *Inst. de success. libertor.* de quâ curiosè agere hoc in loco, supersedebimus.

XX.

Ingenuorum successionem quod attinet, ibi talis ordo receptus est, ut I. Cognati admittantur. II. Vir & uxor. III. Servi quibus bona addicebantur. IV. Locus fisco dabatur. Quem ordinem in sequentibus observare lubet.

XXI.

Gradus cognationis alii Superioris ordinis sunt, alii inferioris, alii ex transverso sive latere, *inquit Gajus in l. i. ff. de grad.* Superiores ASCENDENTES, Inferiores DESCENDENTES, è transverso COLLATERALES nominantur. Ex hisce autem princeps locus descendantibus datus est, quippe illis extantibus ipsi ascendentes excludi solent. Excepti tamen duo sunt casus speciales, ubi ascendentes simulcum descendantibus succedunt, ex quibus prior notatur in *authent. præterea. C. unde vir & uxor. alter in l. 3. C. de bon. matern.* Qua de causa vero descendantibus primus in successione locus

B

attributus